



58











Loan from Courtway Lib

OCT 31 1999

進賢三尹張思軒公。與潘少保印川公皆受室於  
施氏。稱聯襟云。施故富家。而張公夫人賢慧。治  
家勤篤。為人精潔周致。以產多而氣血憊。又以  
婚嫁繁而費用不支。積憂。年將五十。因病心痺。  
發則暈厥。小水短澀。胃鬲痛不可忍。煩躁乾噦。  
惡內蒸熱。氣膈又上騰。肌削骨立。月汛不止。茗  
城時輩有~~一~~為氣怯者。有認為鬲食者。皆束手  
無措。尸寢浹旬。漿粒不入口者五日。凶具備而  
待斃。舉家計無所之。惟神是禱。予適在潘府。逆



予診之。脉左絃大。右滑大而數。診畢。予曰。可生也。病攬云。諸逆吐酸。皆屬於火。諸風掉眩。皆屬於木。法當調肝。清熱。開鬱。安神。諸醫群然。目攝而背譚曰。書云。骨蒸肉脫者死。形瘦脉大。胃中多氣者死。絕穀食者死。孫君獨許其生。果藥王再世哉。予若不聞。而檢藥以進。竹茹滑石各三錢。白朮薏仁七分。半夏麩橘紅姜連茯苓各一錢。甘草五分。水煎。令一口口嚥之。服畢。噦止。暈定。次日用溫膽湯。調辰砂益元散三錢服之。胃

高頓開。漸進飲食。小水通長。煩躁盡減。駸駸然安若無事。後用逍遙散六君子湯加黃連香附。三越月而肌肉全。精神如舊。若人駭然曰。能起此病。信藥王矣。十三

馬二尹迪庵公。年五十五。以掃墓而過食鰻肉捲餅。心腹脹痛。市醫不知用吐。而遽用硝黃下之。大便不行。脹痛愈增。繼至者。又用木香檳榔丸。繼又有下以小承氣湯者。有下以大承氣湯者。十日多。脹痛益甚。飲食粒不能進。大便並不行。



小水亦僅點滴。後醫又以大黃芒硝多服不行。謂非白餅子不可。服五日而脹痛尤加。又謂非備急丸不可。服三日脹痛益不可當。又用甘遂芫荈大戟牽牛之屬。服三日。不惟大便不行。并小便點滴亦無矣。脹不可言。衆醫大叫稱恠。自三月初二日起。至是念二日矣。有名士王南野者。用灸法。灸中脘三十餘壯。毫不為動。因斷其越三日為念五戌時。當棄人間。迪老四子皆逢掖。聞言涕泗。時有張太學懷赤者。迪老甥也。見

予起張思軒夫人疾。喻亟請予。予至。觀其色蒼黑。神藏不露。聲音亮。惟腹大如覆箕。不能反側。診其脉。兩手皆滑大。兩尺尤有力。究其受病之源。查其歷服之藥。予駭然以為未聞且見也。因思一治法。先用六君子湯加木香砂仁。參朮俱用二錢。乃傍有錢小松者。自稱家世受醫。見劑爭之。予曰。非若所知也。彼猶喋喋詰予。謂人言中滿者。瀉之於內。大小便不利者。當先利大小便。然歟。予曰。非人言。素問云云也。又云。諸痛不



得用參朮。蒼黑之人。尤忌。先生既知素問。柰何不用通而用塞也。予愀然不答。顧迪老諸子言曰。錢君拘儒常見。何能起尊君病。尊君非中滿鼓脹症。內傷症也。當始傷時。猶在上高。法當用吐。素問云。在上者因而越之是也。不用吐而用下藥以傷其脾。脾氣傷則失運動之職。是以愈下愈傷。愈傷愈脹。不思脾氣傷而神不為用。藥不能行。又以峻厲之味益下之。是遵何說也。予因脾傷。故用六君子湯以醒其脾。木香砂仁助

其運動。再用吐法。吐出前藥。予劑非治尊君之病。治諸君藥也。予初欲為諸君諱。何錢君激予。而使暴其短哉。且予不慮大便不行。獨慮行之不止也。錢又謬言。急則治標。今法用盡。不能使一行。何以不止為慮。予曰。君試思。常人能服硝黃幾何。服芫薺白餅子幾何。今硝黃服過五斤。芫豆白餅之屬。服過五六兩。又加甘遂牽牛羌蒼大戟。至悍至急之劑。幸而大便未行。藥性未動。尚可為計。若一行。而諸藥性動。譬瓶水底漏。



其中能蓄點滴哉。危矣。錢又詰迪老多服下藥而大便不行何也。予曰。此易知之。始為食傷。繼為藥傷。所傷在上中二焦。下元未損。故兩尺脉尚有神氣。難經曰。人有兩尺。如樹之有根也。內經曰。腎者胃之關。蓋腎主大便。觀其色蒼黑。神藏氣固。皆由根本未動。賴此猶可為也。服藥後腹中大痛。予知其藥力已動。改用人參蘆防風蘆升麻桔梗各三錢。水煎服之。少頃用鷲翎探喉中令吐之。前服藥物一湧而出。十數碗。病者

以手加額曰。目前光矣。此已時也。予曰。酉時大便必行。可預買人參數斤。以備不虞。至午進至實丹一帖。以溫中氣。未申間。腹中汨汨有聲。濁氣下滾。頃刻間腹寬數寸。至晚大便行一次。小水畧通。予即用人參白朮各五錢。炮姜三錢。茯苓二錢。木香甘草各五分。陳皮一錢。令急煎服。四鼓又大便一次。小水繼至。脹痛漸減。次日大便瀉十次餘。因以前理中湯劑為丸。與煎劑兼補。腹脹全消。飲食漸進。共瀉七十二日。服人參



二斤餘。若人聞以補收功。群然異之。而錢小松始帖然心服曰。竒哉。竒哉。人多用攻。孫君獨用補。人多用下。孫君獨用吐。由見之真。而所投者確也。醫可易言哉。今而後。知孫君之高矣。十四  
潘大司馬公嘗有腸風之疾。八月丁祭。學博餽鹿血。食之而血暴下。致予治。用槐角子五錢。黃連枳殼地榆貫衆各三錢。一服而止。大司馬善其方。書之粘壁間。遇有便血者。輒依方藥之。無不立愈。喜甚。鼓腹謂諸子曰。往而姨之疾。族醫無

言必死。孫君獨能生之。神哉。進平技矣。予曰。昔扁鵲有言。予非能生死人也。此當自生者。越人使之起耳。予何能。亦張安人當自生也。大司馬公由是益重予。病無巨細。悉任之。而予亦得盡其術云。十五

迨老之子鳳林。見予起。乃翁疾。乘間語曰。內子包有隱疾。每月汛行。子戶傍。輒生一腫毒。脹而不痛。過三五日。以銀簪燒紅針破。出白膿。盈餘而消。不必貼膏藥。而生肉。無疤痕。初間用針刺。近



只以指搯之。膿即出。但汛行即發。或上下左右而無定所。第不離子戶也。于今八年。內外科歷治不效。且致不孕。先生學博而思超。幸為籌之。予沉思兩日而悟曰。此中焦濕痰隨經水下流。壅於子戶也。經下而痰凝。故化為膿。以原非毒。故不痛。用白螺螄壳火煨存性為君。南星半夏向臣。柴胡甘草為佐。麴糊為丸。令早晚服之。未終劑而汛行不腫。次年生女。

田臧公。吳卒。駕湧瀾公岳也。年將六旬。為人多

怒多愁。胃高舌脹。飲食少。時醫治以平胃散。木丸。香砂丸。不效。復以檳榔三稜莪朮之類消之。而大便溏瀉。兩足跟踝皆浮腫。漸及兩背。醫又以其手足浮腫。而認為黃胖者。以針砂丸與之。腫益加。面色黃且黑。自二月醫至八月。身重不能動止。又有以水腫治者。車駕公雅善予。因延診之。脉沉而濡弱。予曰。此氣虛中滿症也。法當溫補。兼升提。庶清陽升。則大便可實。濁陰降。則胃高自寬。以人參白朮各三錢。炮姜四



陽陳皮各一錢。茯苓黃芪各二錢。澤瀉升麻肉桂蒼朮防風各七分。三十帖而安。客有疑而詰予曰。此症諸家非消導則淡滲而先生獨以溫補收功。腹中積而為滿為腫者。從何道而去也。予曰。脹滿非腫滿比也。故治不同。腫滿由脾虛不能攝水。水滲皮膚。遍身光腫。今脹滿者。先因中虛。以致皮脹。外堅中空。腹皮脹緊象鼓。故俗名鼓脹。蓋由氣虛以成中滿。若氣不虛。何中滿之有。氣虛為本。中滿為標。是以治先溫補。使脾

氣健運。則清濁始分。清濁分而脹斯愈也。十七金谿令淨涵減公。尊堂太夫人。以季春眉壽。連看戲文二十餘本。且多食魚腥蝦蟹。偶發寒熱。三日不退。第四日。左耳前後及頰車皆紅腫。第五日。右邊亦腫。第六日。腫及滿頭。紅大如斗。眼合無縫。昏憤不知人事。譫語若有邪祟。粒米不進者八日。舉家驚惶。逆予為治。診其脉六部皆洪長而數。予曰。此大頭疫也。即以貫衆石膏各六錢。柴胡葛根各三錢。赤芍藥天荅粉各二錢。甘



草一錢。黑豆四十九粒。水煎服之。日進二帖。脉始減半。第九日方進粥。飲半盂。前藥除石膏。又四帖而安。是倏也。人皆為予危之。謂八十之尊年。八日之絕粒。頭大如斗。體熱如燔炭。昏憤譫語。乃不去而治。何冥行不知止如此。而其婿閔懷海亦言。病勢如此。吾心亦危疑。見先生安閑而甘寢食。賴以少慰。予曰。此疾為陽明少陽二經熱壅而然。夫陽明多氣多血之經也。以高年故不敢用硝黃。惟投以輕清解散之劑。使因微汗而解。症脉相對。雖重可生。假如人言。以高年病危而棄不治。豈惟非醫。醫之存心。於病家相托之意亦孤矣。可乎哉。十八

丙申夏。見所潘公。謁予於海陽邑。即時霖浹旬。邑市水漲。公至。予驚問曰。公貴倨也者。何堪此。公曰。與君間者濶矣。且先君服闋。秋當北上。不卜補任南北。謁求一診。他何計。予究何疾。公曰。無第年甫踰彊。微覺陽痿。次早診畢。語其隨行俞金二子曰。公脉上盛下虛。上盛為痰。與火。下虛



為精元弱。切宜戒色。慎怒。劑宜清上補下。不然。三年內恐中風不免。蓋由痰生熱。熱生風也。請識之。乃為立方別去。公亦未暇製服。公次年八月。往返武林。不無勞怒。又屆中秋。連宵酒色。平常色後。輟用鹿角膠三錢。人參一錢。酒送下。以連宵有犯。乃用鹿角膠五錢。人參三錢。空心服之。十七日薄暮。偶與社友談詩。筵間左手既然顫動。把捉不住。隨歸房。左手重不能舉。十八日早。左邊半體手足皆不為用矣。亟令人逆予。

予適在前垣吳宅。及至公。驚喜交集。曰。君何先見若此也。先少保患在左體不遂者三年而歿。不佞今亦左體。其風水致然歟。第先少保年七十餘。不佞四十有七。先少保不能遇先生。不佞賴有先生。或可企無恙也。予始觀面色赤。口微啞。向右唇麻。手足躄拽。已成癱瘓。脰其脈左絃大。右滑大。先用烏藥順氣散一帖。服後昏睡半日。醒覺面更加赤。啞亦稍加。知痰盛。使然。即以二陳湯加全蝎。姜蚕。天麻。黃芩。石菖蒲。紅芍。秦



芫水煎。臨服加竹瀝一小酒杯。生姜汁五茶匙。一日兩進。晚更與活絡丹。服至第六日。手指稍頭畧能運動。足可倚棹而立。予喜曰。机動矣。改用歸芍六君子湯。加紅苓鈎藤天麻竹瀝姜汁。服二十帖。行可二十步矣。手指先麻木。不知痛痒。至是能執物。繼用天麻丸。兼服全鹿丸。調理百日。病去十之九。次年二月北上。補任永清公。以病後能戒色。斷酒。自知培養。故藥功獲奏。此症予歷治。歷効者。良由先為疏通經絡。活血調

氣。然後以補劑收功。惟經絡疏通。宿痰磨去。新痰不生。何疾不瘳。此治顛中風之法也。十九

見所公弱冠。隨尊君大司馬印老。治河居北。患白濁。精淫淫下。自北地山東淮揚鎮江及江右三吳諸名家醫藥三年不効。癸酉冬。禮予診之。其脉兩寸短弱。兩關滑。兩尺洪滑。觀其人襟期瀟灑。出塵而神色閑雅。真翩翩佳公子也。一接見便就暱。而信余請藥。予曰。公疾易愈。第待來春之仲。一劑可瘳。而今時不可。公固請曰。先生大



方而善拯人之急。以大方而治小疾。試可立効。何待來年。予曰。非秘其術不售也。素問有云。升降浮沉必順之。又曰。天時不可伐。公脉為濕痰下流症也。經曰。治痰必先理氣。而脉書亦謂洪大而見於尺部者。陽乘於陰也。法當從陰引陽。今冬令為閉藏之候。冬之閉藏。實為來春發生根本。天人一理。若不顧天時而強用升提之法。是逆天時。而洩元氣根本。既竭。來春何以發生。故素問曰。必先歲氣。毋伐天和。必養必和。待其

來復。公疾本小。而歷治三年不効者。良由諸醫不知脉。不識病。不按時也。公聞言唯唯。乃尊君所遣之醫踵接。治竟無効。至春分而逆。予以白螺。獅壳。火煨。四兩為君。牡蠣。二兩為臣。半夏。葛根。柴胡。苦參。各一兩為佐。黃柏。一兩為使。麵糊為丸。名曰端本丸。令早晚服之。不終劑而全愈。公復書曰。賤疾果如先生言。今勿藥也。向歷治三年不効。竊謂天下無藥。服端本丸而愈。又信天下有藥矣。二十



少司空凌繹老夫人將適繹老無幾。腹脹痛發熱。經過期不行者五日。諸醫皆以經期作痛為調。經不効。而繹老召予診。左寸洪滑。兩尺皆滑數。左尺之外。更有神氣。予喜而語繹老曰。經閉非病。孕也。產必男。繹老雅信予。因究其說。予曰。滑非經閉之脉。左尺尤有神氣。是以知產必男也。繹老謂果孕矣。柰發熱腹痛何。予曰。何傷。氣虛血熱耳。以安胎飲加減調理。即安也。用人參白朮白芍藥為君。川芎當歸為臣。香附柴胡蘆薈條芩甘草為佐。四帖腹痛減。熱除。至期果生子。繹老德予。而多推轂云。二十一

金文學元岩之眷。產後兩日。腹痛。下痢純紅。腸鳴三越月。時當孟秋。而脉皆軟弱。用佛手散加減以治。川芎三錢。當歸五錢。艾葉炮姜各一錢。桂心五分。酒炒白芍藥二錢。連進三帖。而疾減半。後因食新菱新粟。又連為怒氣所激。日晡暈厥。以生姜湯灌甕。腹脅大痛。手不可近。用二陳湯加香附砂仁桂皮炮姜與之。痛亦不減。且胃鬲



三十一卷  
三四  
脹甚。自以手探喉中。吐出菱粟。痛稍定。少頃復痛。又用手探吐。吐後瀉三四次。而元氣脫矣。脉皆散亂如解索狀。神氣憊而恍惚。循衣摸床。病勢危急。用人參白朮各五錢。酒炒白芍藥二錢。砂仁炮姜肉桂甘草各一錢。急煎進之。痛乃稍定。精神清。仍瀉二次。次日復進前藥。痛減瀉止。加白朮又四帖。而飲食進。精神勃勃興起矣。此因初痢時。醫者不以產後為重。徒以治痢苦寒之劑傷其中氣。又為菱粟生冷所損。中氣益壞。然也。治可不慎哉。二十二

沈三石別駕公夫人嚴產三日而腹不暢。南潯女科陳姓者為下之。大瀉五六次。遂發熱惡心。又用溫膽湯止吐。小柴胡退熱。服四日。熱吐四日。粒米不進亦四日。又進八珍湯加童便。服後昏憤。耳聾眼合。口渴。腸鳴。眼胞上下及手足背皆有虛浮。因逆予治。診其六脉皆數。時五月初二日也。予曰。脉書云。數脉所主。其邪為熱。其症為虛。法當以十全大補湯加炮姜進之。夜半稍清。



爽進粥一盂。始開目言語。次日午時。以承值者  
倦而藥不相接。且言語太多。復昏昧不知人事。  
初四日以人參白朮各三錢。炮姜茯苓陳皮各  
一錢。甘草五分。煎服訖。體微汗。遍身癱瘓。熱退  
而神爽。下午又藥不接。又動怒昏昧。復如前。六  
脈散亂無倫。狀如解索。癱瘓沒而虛極矣。亟以  
人參白朮各五錢。炙甘草炮姜大附子各三錢。  
連進二帖。是夜熟寢。唯呼吸之息尚促。初六日  
脈又數。下午發熱不退。環跳穴邊發一毒如碗

大紅腫微痛。夫人父嚴翁與陳女科交譜之曰。  
向之發熱惡心。皆此所致。由附子乾姜溫補誤  
也。須急用寒涼解毒之劑。予正色而諭以理曰。  
此乃胃中虛火遊行無制。大虛之症。非毒也。若  
作毒治而用寒涼。速其死爾。內經云。壯者氣行  
則愈。怯者着而成病。惟大補庶可萬全。三石翁  
然予言急煎附子理中湯進之。日夕兩帖。參朮  
皆用七錢。服後癱瘓復出。毒散無踪。熱亦退。沾  
沾喜矣。復以參苓白朮散調理而全安。皆由產



後誤用下藥致變百出。噫唏。彼不達變之專科。其可任哉。十三

誥封吳太夫人者。車駕湧瀾公母也。年餘六十。久患白帶。歷治不效。變為白崩。遂予治之。診得右寸滑。左寸短弱。兩關濡。兩尺皆軟弱。予曰。據脉心腎俱不足。而中焦有濕。脉經云。崩中日久。為白帶。漏下多時。骨木枯。今白物下多。氣血日敗。法當燥脾。兼補心腎。以既濟丹補其心腎。以斷下丸燥中宮之濕。則萬全矣。服果不終劑而愈。

既濟丹方 鹿角霜 當歸 白茯苓各二兩 石

菖蒲 遠志冬一兩 夏五錢 龍骨 白石脂各一兩 益

智仁五錢 乾山藥打糊為丸。梧桐子大。空心白

湯下七八十九

斷下丸方。頭二蚕沙炒三兩 黃荊子炒二兩 海螵

蛸磨去甲 樗根 白皮各一兩 麵糊為丸。下午白

湯送下六十九二十四

吳北海太學令政。每月經行期之前。四肢壘。又發塊。紅紫脹痛。不思飲食。胃脘亦常痛。經水多不



及期診其脉。兩寸皆駛。以症脉參之。肝脾二經有鬱火也。蓋肝主怒。脾主思。多思多怒。隱而不發。鬱滯於中。故臨經。累又發。經腫於四肢也。以柴胡 川芎 香附 烏藥 白芍藥 青皮 丹參 玄胡索 鬱金 酒炒黃連 山梔子 治之而愈。二十五

吳之清客周芻玉者。豪放不拘。人言有晉人風。酒後益恣。而好男色。因患白濁。吳醫有以補中益氣湯升提者。有以六味地黃丸補陰者。有以五

苓散六一散滲利者。有為降火者。有為溫補者。不効。又以草頭藥亂進之。肌瘦如削。膝軟如痿。患有年所矣。因紹介吳太學北海而謁余。懇為治之。診其脉。右寸關皆數。予曰。皆由酒後不檢所致也。中宮多濕。多痰積而為熱。流於下部。故濁物淫淫而下。久不愈矣。與以加味端本丸服之而瘥。白螺獅壳四兩。牡蠣苦參葛根黃柏各二兩。陳皮半夏茯苓各一兩。甘草五錢。麵糊為丸。令早晚白湯下三錢。二十六



丁酉夏。予寓雒城。顧鄉官宅。其門下竹匠婦懷妊。五月而患心痛。究其所由起。謂由失足墜樓也。始教飲韭菜汁一盞。而痛隨止。其夫又從它醫。贖藥二帖。歸令煎服。服既。心復痛。吐鮮血盈盆。胃間冲。又上抵。疼不可言。危在頃刻。竹匠告急。予僕孫安。安怜之。懇予診治。六脉皆洪大。汗出如雨。喘息不相續。其婦樓居低小。予令亟移樓下。隨與益元散五錢。令用紫蘓湯調服。又呼之曰。今夜若睡。聽其自醒。切勿驚動。汗止即甦。

也。服後果睡至曉。汗斂而胃鬲不痛。喘息亦定。再與固胎飲一帖。煎服而全安矣。先是鄰醫診其脉。謂吐血之脉宜沉細。今反洪大。而汗出喘息不休。危在今夜。及病起。來詢余曰。姪嬪不得汗。不得下。不得利。小便。是謂三禁。昨日之劑。悉犯之。而反獲効。何哉。予曰。醫貴審症。蓋嬪之患。非由病汗。以樓居低小。當酷暑而熱逼故也。汗血去。而胎失養。故忡忡上拒。喘息不續。移樓下。以避暑氣。益元散為解暑之聖藥。而紫蘓又安。



胎下氣之妙品。氣下則血歸原。而病痊矣。此對  
症之藥。法出王海藏醫壘元戎中四血飲是也。  
特諸君檢閱不徧。即檢閱亦不知為胎產之治。  
余何能。不過融會前人之法用之。而不膠焉耳。  
鄰醫俛首。唯唯而退。二十七

壬申秋仲。予東遊。攜李。而王松泉吳小峯偕行。小  
峯語予。中秋至矣。此間一妓李姓者。行第七。殊  
可人意。須訪之。晚令佐酒。至則見其態度果澹  
雅。風致坐少頃。連咳兩聲。小峯究其病。曰。偶耳。

小峯謂毋誑。孫公知人生死。不啻扁鵲。可求一  
診。診之。兩寸短瀉。兩尺洪滑。關絃。予未語。而小  
峯問脉。予曰。脉甚恠。公可問經行否。曰。行僅一  
日。亦僅點滴。予曰。此脉在良家。主夢遺。若不宜  
有也。妓曰。良然。即御客時。亦或遺。遺則冷汗淫  
淫。體倦而不能支。小峯為請藥。予曰。姑置之。小  
峯問何故。予曰。金木相勝。心神無主。法當不治。  
小峯謂人尚無恙。何得便至於此。予曰。絃為春  
令。當金旺之時。猶然猖獗。設在卯月。木旺火相。



肺金枯痿。水之上源已竭。且腎脉洪滑。妓以慾勝。陰血既虧。淫火愈熾。書云。陰虛則病。陰絕則死。今已咳嗽。其兆見矣。可治乎。次年二月果死。  
二十八

有老妓金姓者。其嫂三月患頭痛。身熱口渴。水瀉不止。身重不能反側。日漸昏沉。耳聾眼合。夢多亂語。嘉秀醫者。歷試不效。視為必死。予適吳江歸。便道過橋李。訪南溪吉泉二兄。言泉兄以是症見詢。且言諸醫有以補中益氣湯進者。有以

附子理中湯進者。二藥已煎成未服。幸弟至。乞為診之。六脉洪大。觀其色。內紅外黑。口唇乾燥。舌心黑胎。不知人事。予曰。此疫症也。法當清解。急以小白湯進之。猶可生也。若附子理中湯殺之耳。安可用。南溪兄問小白何湯也。予曰。小柴胡。白虎湯。合而一之是也。南溪兄謂洩瀉昏沉如此。恐石膏不可用也。予曰。此挾熱下利。但使清陽上升。則瀉止熱退。而神氣自清也。服訖。夜半神氣甦醒。惟小水不利。熱渴不退。予思仲景



法謂渴而身熱不退。小水不利者。當利其小便。乃以辰砂六一散一兩。燈心湯調服之。兩帖而瘳。南溪兄曰。死生信乎命也。弟頃刻不至。必服理中湯。此婦不為泉下人哉。二十九

有曾姓諱鏜者。九月重陽。以胃膈不舒暢。而謁南溪兄為治。診未竟。予至。南溪兄起語。曹曰。舍弟高手。浼診之。診訖。未有言。而南溪私問曰。曹何如脉。予曰。不治。會易貨者。皆至。予亦別去。曹果次年二月死。南溪兄問曰。向曹無它病。而弟見

脉即斷。不治何也。予曰。其脉兩寸洪滑搏指。兩關微絃。兩尺微弱。難經所謂溢脉也。九月深秋。木彫零時也。不宜絃大。大則上盛下虛。至二月木旺。木能生火。火木性皆上升。不下。下無真陰以相濟。是有陽無陰。有升無降。內經曰。出入廢則神机化滅。升降息則氣力孤危。是以斷曹子二月當嘔吐而死也。二十

嘉善之妓李雙號素琴。體雖肥而性冲澹。態度間雅端重。歌調倡家推其擅場。與予邑程芹溪處



厚。患痛風自二月起。至仲冬。諸治不効。鵠母慳  
毒。遂視為痼疾。不為治。而芹溪固懇予診之。六  
脉大而無力。手足肢節腫痛。兩跨亦痛。不能起  
止。肌肉消其半。日僅進粥二椀。月汛兩月一行。  
甚少。予曰。此行痺也。芹溪問病可治否。予笑而  
應曰。君能娶。予能治之。芹溪曰。嫁娶乃風月中  
套語。公長者。乃亦此言。予曰。觀此子雖墮風塵。  
寔有良家風度。予故怜之。且君斷絃未續。而彼  
有心於君。或天緣也。芹溪曰。誠吾素願。恐鵠母

高其價而難與言。予謂乘其病而盟之。易與耳。  
芹溪以予言。而然。乞為治之。以人參白朮。苡仁  
各三錢。當歸枸杞杜仲。龜板蒼耳子各二錢。晚  
蚕沙秦艽防風各一錢。大附子甘草桂枝黃柏  
各五分。十帖而痛止腫消。改用歸芍六君子加  
苡仁丹參紅朮石斛紫荊皮三十帖而全愈。芹  
溪娶之。善持家。舉族稱賢。而亦羨予知人焉。三  
十一

沈別駕翁有老僕頭痛遍身骨節痛。面色黑。發熱



口渴。胃高膨脹。飲食七日不入。復感寒。人皆危之。予診其脉。左絃數。右洪大。以藿香蒼朮防風葛根白芷紫蘓甘草陳皮大腹皮麦芽枳實。服後胃高稍寬。熱與痛更甚。改以麻黃葛根柴胡各二錢。石膏滑石各三錢。紫蘓葉白芷蒼朮各一錢。甘草五分。姜三片。服後大汗出。而熱痛皆除。惟口渴。又以白芍藥當歸石膏知母柴胡黃芩麥冬葛根陳皮煎服。全愈。別駕翁喜。詰予曰。老僕病甚重。無不謂其必死。先生三日起之。此

何症。而何湯劑飲之。使起也。予曰。此三陽合病。先為飲食所傷。予故先用藿香正氣湯加消導之劑。治其本。又以六神通解散加助表之藥。治其標。病雖重。年雖高。喜其色。脉相對。故投以對症之藥。易愈也。翁曰。在先生然耳。若它人。輕者且重。况重者乎。吾未見其能起也。三十二

蔡中林文學內人。發熱口渴。舌上燥裂。小腹痛。嘔吐。藥食不能入者七日。諸醫之技。彈矣。皆視為不可為。吳我峰翁固邀予診。右寸脉絕。



不應指。閔沉滑有力。左手絃數。予曰。此陽明少陽合病。邪熱壅於上。焦然也。非鬲食。法當解散。數劑可愈。無恐。以軟柴胡石膏各五錢。半夏麩枳實黃芩黃連葛根竹茹人參各二錢。姜三片。煎服。藥納而不吐。五更下黑糞數塊。熱痛減半。次日仍與前藥。右寸脉至是亦起。粥始進。改用小柴胡加橘紅竹茹葛根服三帖而全安。三十

三  
吳九宜先生。每早晨腹痛洩瀉者半年。糞色青。腹

膨脹。人皆認為脾腎洩也。為灸關元三十壯。服補脾腎之藥皆不效。自亦知醫。謂其尺寸俱無脉。惟兩關沉滑。大以為憂。以人言洩久而六脉將絕也。予為診之曰。君無憂。此中焦食積痰洩也。積膠於中。故尺寸脉隱伏不見。法當下去其積。諸公用補。謬矣。渠謂敢下耶。予曰。何傷。素問云。有故無殞。亦無殞也。若不乘時。久則元氣愈弱。再下難矣。以丹溪保和丸二錢。加倍急丸三粒。五更服之。已刻下稠積半桶。脹痛隨愈。次日



六脉齊見。再以東垣木香化滯湯調理而安。渠稱謝言曰。人皆謂六脉將絕為虛極。公獨見之真。而下之。由公究理深邃。故見之行事。著之談論。皆自理學中來。它人何敢望其後塵。三十四

沈大官左膝腫痛不能起。止者半年。大便瀉。一日三次。診其脉絃緊。予曰。此脾虛有濕熱凝於經絡。流於下部也。古謂腫屬濕。痛屬火。用蒼朮黃柏。薏以仁為君。澤瀉猪苓五加皮為臣。炙甘草防風桂枝為佐。木通為使。四帖痛減。腫消。洩。

亦止。改用蒼朮。蒼耳子五加皮。苡仁。當歸。枸杞子。杜仲。丹參。黃柏。烏藥。葉酒糊為丸。調理月餘。步履如故。三十五

沈繼庵先生下痢十二日。腹痛。脫肛。後重。噯氣。不知飢。一友用補中益氣。加白芍藥。腹痛愈加。後重亦甚。予脉之。右關滑大。搏指。曰。此積滯固結腸胃間。故後重。脫肛也。當為推蕩。以其素弱多鬱。不敢只為調氣。而兼消導。木香。山查。檳榔。枳實。川芎。白芍藥。黃連。黃芩。秦艽。服後。稍寬。次日



用七傷丸二帖全愈。○其內人患發熱頭痛遍  
身痛。乾嘔口渴。胃高脹悶。坐卧不安。醫與以參  
蘓飲。乾嘔愈甚。又加煩躁。予診之。右手洪大倍  
於左。左浮數。予曰。乾霍亂症也。與以藿香正氣  
散。減去白朮。桔梗。加白扁豆。香薷。一帖吐止。食  
進。遍身瘧除。惟口渴額痛未除。小水不利。以石  
膏。香薷。滑石各五錢。橘紅。藿香。葛根各二錢。枳  
榔。木瓜各一錢。甘草五分。姜三片。一帖而愈。  
三

十二

沈晴岳先生。五更耳鳴。腹不舒暢。稍勞則烘然熱  
自汗。脉右關滑大有力。左脉和緩。原為當風睡  
卧而得。素來上焦有痰火。午後過勞。或受餓。大  
作眩暈。冷汗津津。再不敢動。稍動則嘔吐。此皆  
痰火所致。蓋無痰不作暈也。先與藿香正氣散  
一帖。以去表裏之邪。繼與溫膽湯加天麻。服後  
眩暈嘔吐皆止。次日診之。右關脉仍滑。此中焦  
食積痰飲。膠固已久。卒難動搖。姑以二陳湯加  
枳實。黃連。滑石。天荖粉。天麻。竹茹。調理。後以當



歸龍會丸加牛胆南星青礞石凡數帖全愈。  
二十七

潘景宇內人。後半夜不睡。面黃肌瘦。兩太陽及眉  
稜骨痛。大便糖。稍勞動則體熱。四肢無力。其脉  
左寸洪滑。自春至秋皆然。此由脾虛。肝心二經  
火盛然也。先用四君子加酒連柴胡白扁豆。滋  
瀉滑石調理。夜與錢仲陽安神丸數粒。燈心湯  
送下。服八日得睡。兩太陽亦不痛。繼用六君子  
加黃芪秦艽柴胡降瀉當歸白芍藥黃柏全愈。

臧六老。上吐血。下瀉血。胃鬲背心皆脹。原從怒觸  
又犬肉所傷。故發熱而渴。醫者皆作陰虛火動  
而為滋陰降火。胃背愈脹。血來更多。予診之。兩  
關俱洪滑有力。謂曰。此肝脾二經有餘症也。作  
陰虛治左矣。內經曰。怒傷肝。甚則嘔血。并下洩  
胃背脹痛。瘀血使然。脾為犬肉所傷。故不能統  
血。今誤用地黃麥冬黃柏知母等劑。是以脾益  
傷。而上焦瘀血愈滯也。惟調氣健脾。兼之消導。



則萬全矣。六老曰：人皆謂勞怯，故發熱吐紅血，上吐陽絡傷也。血下行陰絡傷也。陰陽俱傷，法當不治。公獨認非陰虛，何也？予曰：脈書云：脈數無力者，陰虛也。今脈固非陰虛。書又曰：凡陰虛之熱，發於申酉戌間，夜半而退，明日猶是，如潮信然。以下午乃陰分主事，故曰陰虛潮熱也。今熱不分晝夜，而症亦非陰虛。故曰：作陰虛治者，左也。六老聞言大喜曰：公誠見垣一方者，幸惠一七以生之，即與山查、香附、枳實調氣消導為

君丹參、丹皮、桃仁、滑石、茅根、化瘀血為臣。黃連、蘆根、解犬肉之熱為佐。四帖，胃背寬，血吐止。惟腹中不舒，仍以前藥同丹溪保和丸與之。四帖大便下，極臭，黑糞半桶，寢食俱安矣。三十九

有臧氏之婦，原以有痰火，服降火之藥過多，至秋痰積因令氣下行而滯於大腸，臍邊有硬塊，按之甚痛，痢下紅白八日，下惟點滴，日夜二十餘行。腹痛，潮熱，口渴，小水不利，大便裏急後重，飲食不進，身重不能轉側。予診之，喜左脈皆有神



氣。即從劉守真之法。行血則便膿自愈。調氣則後重自除。治之用白芍藥滑石桃仁為君。當歸為臣。木香檳榔山查酒芩酒連枳壳為佐。服下大便稍流利。腹中稍寬舒。次日仍與前藥。則滯下大行。痢減大半。第三日用芍藥當歸滑石桃仁炙甘草酒連木香與保和丸全服。下午大便行。上午所服丸藥隨糞而下。乃知積滯已盡。諸症悉減。惟臍邊痛未全止。以仲景小建中湯加當歸木香服之而愈。四十一

丁和川文學令堂。年四十四。常患胃脘痛。孀居十五年。日茹蔬素。其年七月觸於怒吐血。梳許不數日平矣。九月又怒而吐血如前。加腹痛。至次年二月忽裏急後重。肛門大疼。小便短澁。出惟點滴。痛不可言。腰與小腹之熱如滾湯。泡者日惟仰臥。不能側。一側則左跨并腿作痛。兩跨原痛亦減。肛門以疼之故不能坐。遇驚恐則下愈墜而疼。經不行者兩月。往常經來時腰腹必痛。



下紫黑血塊甚多。今又白帶如注。口渴。通宵不寐。不思飲食。多怒。面與手足發虛浮。喉中梗梗。有痰。肌肉半消。診之。脉僅四至。兩寸軟弱。右關滑。左關絃。兩尺瀟。據脉。上焦氣血不足。中焦有痰。下焦氣凝血滯。鬱而為火。蓋下焦之疾。肝腎所攝。腰跨肝之所經。而二便乃腎之所主也。據症。面與手足虛浮。則脾氣甚弱。飲食不思。則胃氣不充。不寐。由過於憂愁。思慮而心血不足。總為七情所傷。故尔。內經云。二陽之病。發心脾。女

子得之。則不月。此病近之。且值火令。當權之候。誠可慮也。所幸者。脉尚不數。聲音清亮。尤可措手。因先為開鬱。清熱。調達肝氣。保過夏令。後再為驟補陰血。必戒絕怒氣。使血得循經。而病可痊。不然。則倉扁亦難奏功矣。初投當歸龍會丸。以徹下部之熱。繼以四物湯。龍胆草。黃柏。知母。柴胡。澤蘭葉。煎吞滋腎丸。連服四日。腰與小腹之熱始退。後以香薷石薺龍胆草。挑仁。滑石。牡牛膝。甘草。稍軟。柴胡。煎吞滋腎丸。大小便痛全。



丁文學長令姊。常患暈厥。吐痰。梳許乃甦。一月三五發。後又口渴。五更倒飽。腸鳴腹疼。洩瀉。小便短。瀉咳嗽。余脉之。兩寸濡弱。兩關滑大。此中焦痰積所致也。先與二陳湯。加蒼朮。山查。麦芽。以健脾胃。去濕為臣。以白芍藥。止痛為君。以滑石。澤瀉。引濕熱。從小便出。為佐。黃芩。為禪佐。十帖。二陰之痛俱止。改以六味地黃丸。加黃柏。知母。牛膝。服之。全安。四十二

有金良美者。年十八。患咳嗽吐紅。下午潮熱。夢遺。市醫進四物湯。加天麥。門冬。黃柏。知母。之類。治半年。反加左脅脹疼。不能側卧。聲音漸啞。飲食輒惡心。肌肉大削。六脉俱數。醫告技窮。因就予治。觀其面色白。又隱隱有青氣。夾之。兩足痿弱。無力。予語之曰。此症氣虛血熱。而肝脉甚絃。絃則木氣太旺。脾土受虧。不能統血。殆始怒氣所觸。繼為寒涼之劑。所傷。以致飲食惡心。肌肉瘦削。書云。脾胃一虛。肺氣先絕。以肺金不足。則肝



木愈不能制濁痰。痰血凝於肺竅。故咳嗽聲啞。滯於肝。故左脇不能貼席而卧。病勢危矣。喜在青年。猶可措手。因急用人參二錢。鱉甲五錢。為君。白朮白芍陳皮茯苓通草貝母各一錢。為臣。甘草牡丹皮各七分。為佐。桔梗五分為使。二十帖。潮熱止。咳嗽減大半。三十帖。聲音開亮。左脇亦能貼席而卧。後以大造丸調理全安矣。乃囑之曰。病愈雖可喜。而絃脉未退。須切忌怒氣及勞心勞力之事。庶幾可保無虞。苟不守予言而

勞怒相觸。血來必不能禦。戒之防之。此後精神日旺。肌體益肥。六年無事。一日遇事拂意。大怒。而又結算勞心。則血如泉湧。頃刻盈盆。上唇黑腫。汗出淋漓。急請予診。脉亂無倫。診畢。渠語近侍。欲大解予曰。此死徵也。陰陽乖離矣。辭而出。未離門而氣絕。父母哭謝予曰。始守翁訓。苟活六年。一旦不戒。遂如翁所料。死生雖命。亦不自慎。致之。其為人。也。量窄而繫於財。因記此。以世之重財輕生者。四十三



倪五娘子。以中風暈厥之後。口眼歪邪。左脚右手不能屈伸。口渴。小便不利。兩頰紫。出語艱澁。問之則期期而對。不問默然。亦不思飲食。行年五十矣。諸醫不効。予治始與涼膈散。加石菖蒲遠志。煎湯化錢氏安神丸。二顆服之。其夜大便四行。次日神氣遂清。口眼半正。惟車類尚紫。未能開聲。細察形氣。似弱也。即與六君子湯加麥明冬。滑石。天荅粉。石菖蒲。遠志。當歸。薄荷。服後神思大清爽。能自坐。不須人扶。語言亦稍利。改以

六君子湯加麥冬。天荅粉。石菖蒲。當歸。五加皮。薏苡仁。紅荅。天麻。十帖全愈矣。四十四

王祖泉令政。患頭疼。夜熱。洒淅惡寒。汗淋漓。如兩上。身熱。下身寒。渴不思飲。遍身疼。腹有一塊。夫如拳。硬如石。腸鳴。小便短少。飲食俱廢。脉則右關滑。左絃數。究所由起。謂大怒後。即傷於食。市醫皆以地黃門冬。芩連黃柏之劑治之。熱愈甚。脾氣大虛。予治用平胃散。加山查。麦芽。砂仁。香附。木香。川芎。枳實。連進四帖。中氣稍能運動。而



夜熱如前。再與補中益氣湯。寒熱俱退矣。而腹  
 痛裏急後重。予知其積滯將行也。乃與白六神  
 丸。而腹痛後重皆除。改進以參苓白朮散。加香  
 附烏梅山查服之。病良已。四十五

溫巽橋子婦。吳車駕湧瀾公長女也。發熱惡心。小  
 腹痛。原為怒後進食。因而成積。左腳酸痛。已十  
 日矣。南潯有陳女科。始作瘟疫療治。嘔噦益加。  
 又作瘡治。粒米不能進。變為滯下。裏急後重。一  
 日夜三十餘行。陳技窮而辭去。且言曰。非不

心。犯逆症也。下痢身涼者生。身熱者死。脉沉細  
 者生。洪大者死。今身熱脉大。而又噤口。何可為  
 哉。因請予治。脉之兩手皆滑大。尺部尤搏指。予  
 曰。症非逆。誤認為疫。為瘡。治者逆也。雖多日不  
 下。而尺脉搏指。內經云。在下者引而竭之。法從  
 下。可生也。即與當歸龍會丸一錢五分。服下。去  
 稠積半盆。痛減大半。不食者十四日。至此始進  
 粥一甌。但胃高仍飽悶。不知餓。又與紅六神丸  
 一錢。胃高舒而小腹軟。惟兩跨痛。小腹覺冷。用



熱磚熨之。子戶中白物綿又下。小水短瀉。改用  
五苓散加白芷小茴香白鷄冠花柴胡服之。至  
夜滿腹作疼。亟以五靈脂醋炒為末。酒糊為丸  
三錢。白湯送下。通宵安寢。次日精神清健。飲食  
大進。小水通利矣。而獨白物仍下。再用香附炒  
黑存性。枯礬各一兩。麵糊為丸。每空心。益母草  
煎湯送下。二錢。不終劑而白物無病全愈矣。專  
料赧然稱奇而服。錄其案驗而去。四十六

溫一渠內人。平素血虛咳嗽。近為飲食所傷。不知

飢餓。專科作陰虛治。而胃鬲愈脹。予脉之。右關  
滑大。左手軟弱。法當先健脾胃。消去飲食。然後治  
嗽。若為滋陰降火。不惟咳嗽無功。恐脾胃轉傷。  
腹脹瀉洩。變將不測。何也。脾胃喜溫而惡寒也。  
即以二陳湯加山查。麦芽。枳實。白朮。川芎。香附。  
與之。一劑而胃鬲寬。再劑而飲食進。繼用桑白  
皮。地骨皮。甘草。陳皮。貝母。瓜蒌仁。馬兜鈴。桔梗。  
紫苑。十帖而咳嗽脫然矣。四十七

溫巽橋。二令媳產後五十餘日。右脇脹痛。手不可



近赤白帶多下如膿。發熱大便燥結。予曰。此惡露未盡。瘀血化為膿。治宜急也。嘗見數婦有此病。而不識治。積而成毒。有成腸癰者。有內成腫毒。潰從腰俞出者。皆以不知治法。則瘀血無從出。故也。急用澤蘭葉。山查子。五靈脂。消惡露。為君。川芎。當歸。茯苓。白芷。為臣。益母草。為佐。香附。青皮。為使。外與當歸龍會丸。潤大便。使熱從大便去。服後次日。腹脇皆寬。痛亦盡止。又因食薑與鷄子。復作疼。但不如前之甚。隨與保和丸。出

山查煎湯送下三錢而痛愈矣。四十八

溫天衢氏。冬月病日。醫為發散太過。至春間吐血。枕餘。及夏下午潮熱。咳嗽。胃高脹疼。早晨冷汗。淋漓。大便澹。一日兩行。飲食少。肌肉消十之七。脉數。據症脉。法在不治里中諸長老。以其素行端厚。群然懇予措劑。予以衆懇。不能辭。乃用瀉白散。加五味子。白芍藥。貝母。馬兜鈴。服下。其夜帖然而卧。不嗽。惟大便澹。前藥加白扁豆。山藥。茯苓。汗亦漸止。復與瀉白散。加石斛。馬兜鈴。貝



母陳皮薏苡仁白芍藥山藥五味子桔梗調理  
三月而全。四十九

張二娘子妊七月而嘔吐不止。氣壅咳嗽。胃與兩  
肋皆脹不能伏枕。予先與金苓丸二服以止吐  
即下立應。繼與大腹皮陳皮枳壳半夏甘草竹  
茹茯苓旋覆花前胡紫葳黃芩生薑。服二帖。氣  
平嗽止安然睡矣。五十

金苓丸者雄黃一錢五分。半夏一兩。枳殼二

錢。茯苓一兩。旋覆花一兩。前胡一兩。紫葳一兩。黃芩一兩。生薑一兩。水煎服之。

泉內暑。意痰嗽。腹飽脹。或瀉。或嘔。或急。或  
熱。口鼻之氣如火。塞以六君子湯。加山查。表  
柴胡。秦艽。青蒿。白芍藥。益智仁。與香連丸。氣  
服。兩劑。氣舒。嗽減。大便結實。鼻仍塞。前方加川  
芎。減白芍藥而安。五十一

南溪內人居常大便秘結。面赤。不思飲食。頭時  
眩暈。診其脉。右關尺滑大有力。此痰火症也。用  
瓜蒌四錢為君。滑石三錢。枳實二錢。半夏一錢。  
平為臣。蘿蔔子。姜黃各一錢為佐。兩帖愈矣。又



教以或遇大便秘結每服當歸龍會丸加牛胆  
南星一錢立應。五十二

陳春野孝廉二令愛患丁奚疔痢四肢浮腫以布  
袋丸與大安丸同服則大瀉用參苓白朮散加  
澤瀉山查麥芽瀉亦不止神氣大弱穀粒不入  
上。小便不利大便一日仍三五次積滯未除改  
以參苓白朮散加肉蓯與服瀉稍止食粥一盞  
下午因食紅棗數枚夜分痰忽起其勢甚危急  
與蘓合丸服之而愈再以參苓白朮散加石菖

蒲藿香炮姜肉蓯調理全矣。五十三

潘敬參令媳原因經水不行。雙日投安胎之劑越七  
月。經水忽大行。內有血塊。心腹如手大者一二  
桶。昏冒困憊為劇。逆予治。其脉右關洪滑。左寸  
洪數。兩尺皆洪大。病形夜分咬牙亂語。手心熱。  
口噤時手足皆冷。心頭脹悶不快。面色青。始諸  
醫皆謂難治。予曰無恐。此濁痰流滯血海。以誤  
服安胎之劑。益加其滯。夫血去多。故神魂無依。  
痰迷心竅。故神昏語亂。急為調氣開痰。安神養



血可生也。即以溫膽湯加石菖蒲酒。今天麻酸  
冬仁丹參與服。其夜子丑時咬牙亂語皆減半。  
次日仍與前藥。每帖加竹茹五錢。臨睡又與黑  
虎丹數粒。諸症悉去而愈。敬叅問曰。藉高手病  
痊矣。而每發於夜半何也。予曰。此心包絡與膽  
經有痰熱。故每至其時而發。單治此兩經。痰既  
消而神魂俱安也。敬叅曰善。五十四

上舍張懷赤。每早晨腸鳴瀉一二度。晚間瀉一度。  
年四十二。且未有子。予診之。尺寸短弱。右關

夫子謂此中焦有濕。不相二火皆入。足故者  
此症。以六君子湯加破故紙。桂心。益智仁。肉苁  
菟煎服。瀉遂減半。又以前藥加杜仲為丸。服之  
而愈。次年生子。五十五

噉上房二老夫人。年六十八。患痢。痢後過食熟菱  
與腐湯。以致大便滑洩不固。飲湯水徑直下不  
停。胃高。舌悶。語言無力。舌乾口燥。生瘡。嚥津液  
則喉疼。元氣大虛。而熱皆虛火所致。且長素二  
十餘年。又常痢。後益知非有餘之症也。脉又尺



寸俱弱。兩關滑大。內經云。清氣在下。必生飡洩。濁氣在上。必生臌脹。此之謂也。法當提清降濁。補助元氣。用四君子湯。加芎藭根。白芍藥。黃連。清虛熱。止燥渴。為君。桔梗。輔佐。葛根。升提清氣。為臣。陳皮。麥芽。降其濁氣。以消胃。高否。悶為佐。烏梅。為使。上使生津。下使止濁。連服二劑。尺寸之脉稍起。飲食亦得。停腹。駸駸然。始有生氣。以前方加白扁豆。神麩。打糊。為丸。調理而安。二十六

卷之六  
頭暈倒不省  
事踰半時  
不甦  
遍身亦痛

胃高飽悶。飲湯水停高。間不下。先一日吐。清數次。蚶虫三條。原為怒起。今或惡風。或惡寒。或渴。或不渴。大便秘。脉則六部皆滑大。有力。曰。此痰厥。頭痛症也。先以藿香正氣散。止其吐。繼以牛黃丸。黑虎丹。清其人事。頭仍疼甚。又以天麻。藁本。各三錢。半夏二錢。陳皮。白芷。薄荷。麻黃。生薑。葱白。煎服。得少汗。而頭痛少止。至晚再



服之五更痛止大半。而人事未全清。予謂此中  
焦痰盛非下不可。乃用半夏五錢。巴霜一分。麵  
糊為丸。每服三十丸。生姜湯送下。下午大便行  
三次。皆稠粘痰積也。由此飲食少進。餘症差可。  
惟遍身仍畧疼。改用二陳湯加前胡石膏。葉本  
薄荷枳壳黃芩石菖蒲調理而安。五十七  
周薑汀乃眷。患胃脘痛。手心熱。嘔吐不食者四日。  
晝夜叫痛不輟聲。脈則兩手皆沉數。一服當  
用熱止。痛為先。故先與清。

之不一。既通痛過。其  
象也。此火暫息耳。其中  
一勢必再作。因與總管丸三錢服下。後  
再服二錢。又睡至天明。乃寤。而脘痛亦止。大  
下痰積甚多。次日以二陳湯加枳實姜黃本  
山梔黃連與之。服後胃脘之痛全止。惟  
覺膨脹。予謂其痰積未盡也。再與總管丸三  
夜服之。天明又行一次。痰積之下如前。而  
之痛亦絕不發矣。五十八



卷之三

...

...

...

...



